

Mazarin
2961

La Raison d'etat ...


**RARE BOOK
COLLECTION**



**THE LIBRARY OF THE
UNIVERSITY OF
NORTH CAROLINA
AT
CHAPEL HILL**

Mazarin
2961

UNIVERSITY OF N.C. AT CHAPEL HILL



00023007078

LA RAISON
D'ESTAT;
ET LE
BOVCLIER
DV
PARLEMENT.



A PARIS,
Chez I E A N H E N A V L T, au Palais,
dans la Salle Dauphine, à l'Ange Gardien.

M. DC. XLIX.

Avec Permission.


DE ST AT

ET LE

BOVCIER

DA

PARLEMENT



A PARIS

Chez JEAN HENRI VIT, au Palais
dans la Salle des Assemblées, à l'Angle du Carré.

M. D. C. C. L. X. I. X.

avec Permission.



LA RAISON D'ESTAT,

ET LE

BOVCLIER

DV PARLEMENT.



A meilleure & la plus sincere intention dans la conduite de l'Estat n'est pas tousiours la plus approuuée. Ceux qui ayment la confusion & qui se preualent des desordres pour autoriser leurs meschancetez, la reiettent bien loin, & la font souuent passer pour vn crime. C'est ce qui fait que les actions les plus iustes en matiere de Police, ont quelques-fois besoin de deffense contre ces malicieux insolents, & qu'il faut quelques-fois employer iusqu'à la violence pour les maintenir dans leur éclat, & pour destruire les desseins pernicioeux de ceux qui les attaquent. Et parce que la iustice paroist plus pure dans la feuerité, il est necessaire assez souuent de la rendre rigoureuse, afin que personne

ne la méconnoisse. Cette vertu qui regne !aussi bien dans la guerre comme dans la Paix, est toujours le plus puissant appuy de la Monarchie, & quiconque s'efforce de l'esbranler, menace l'Estat à mesme temps, d'une cheute irreparable.

Quand ce mal-heur est à craindre, elle doit tout ofer pour le combattre, & ne doit rien obmettre pour le destourner. Elle doit faire agir les dispensateurs de ses graces, & ceux qui sont comme les Oracles des Loix qu'elle donne : & comme ils sont les plus interessez dans sa cause, elle les doit obliger à respondre de son bon droit, & à la conserver dans son integrité accoustumée. C'est ce qu'elle a entrepris heureusement pour la France, & le choix qu'elle a fait de ces Augustes Senateurs, n'a pas esté indigné d'elle ; elle n'a pas esté moins heureuse de les rencontrer en son party, qu'ils ont esté glorieux de la maintenir en sa vigueur. Elle leur a donné beaucoup de conduite & d'experience, & ils les ont employées à l'administration d'un Estat qui ne subsiste que par elle.

Elle leur a mis le fer à la main, & ils ne s'en sont servis que pour la deffendre, & pour soutenir l'autorité du plus iuste des Rois, que la tyrannie s'efforçoit de renverser impunément. Quand elle leur fera quitter les armes, elle seule iustificera un procedé si loüable, & ne fera que trop connoître qu'ils n'ont agy que par raison d'Estat en cette

conjon-

conjoncture dangereuse , où il a fallu presque se rendre suspect , pour n'estre pas iniuste. Mais par ce qu'il s'agissoit de l'interest du Roy & du public, en cette occasion il n'y auoit rien à balancer pour eux , ils deuoient tout entreprendre , mesme au peril de leur vie & de leur reputation , aussi n'ont-ils pas manqué à ce deuoir , & l'ont rendu avec tant de prudence , qu'ils ont donné de l'enuie à leurs ennemis mesme, qui n'auoient point de plus grand sujet de les haïr, que par ce qu'ils ne faisoient rien qui les pust offenser. Ce n'est pas qu'ils n'ayent bien examiné leur procedé, & qu'ils n'en ayent voulu noircir, mesme les plus belles & les plus sincerés actions; mais quand ils les ont voulu accuser, la Iustice a respondu pour eux.

Si on a voulu faire passer pour vn crime d'Estat, d'auoir condamné Mazarin à quitter la Cour , & à vuidier de la France , la Iustice a fait voir que le crime d'enleuer les Rois , & de troubler tout vn Royaume , estoit trop digne de ce chastiment.

Si on les a repris d'auoir pris les armes avec trop de hardiesse , la Iustice a respondu , qu'elle leur auoit mis à la main pour ouurir les passages de Paris , que des troupes insolentes tenoient fermez, pour executer la vangeance de Mazarin , & pour deliurer tout vn peuple des miseres & des calamitez, où la famine l'alloit precipiter.

Si on les accuse d'auoir refusé vn Herault ve-

nant de la part du Roy, elle fait voir que le Roy ne traittoit iamais ses plus fideles fujets, ny en Souuerains, ny en criminels d'Estat, ny en ennemis.

Si on leur a reproché leur lascheté dans la guerre, & de n'oser paroistre pour combattre : elle a monsté qu'ils n'auoient pris les armes que pour conseruer le Royaume, & pour subuenir aux necessitez de tout vn peuple qu'on auoit dessein d'affamer, & non pas pour offenser personne.

Si on les a calomniez, en leur supposant vne intelligence avec les ennemis de l'Estat, la Iustice a respondu pour eux en cet endroit, avec tant de force, & a tant donné de preuues du contraire, qu'elle a contraint ces faux accusateurs d'auouer, qu'ils n'ont point escouté d'autres ennemis, que ceux de la tyrannie & de la malice.

En fin, leur plus grand defect, c'est d'estre irréprochables, & malgré l'imposture, la Iustice a monsté trop clairement, que la seule raison d'Estat les auoit fait agir, & qu'ils n'auoient rien entrepris que pour le bien du public, & pour l'intérest de leur Roy, que leur intérieon estoit pure, & que leur zele n'estoit point indiscret; aussi ont-ils porté les affaires au poinct où elles ne pouuoient arriuer, sans nous donner la paix: la Conference qui se tient tous les iours à S. Germain, en est vne belle ouuerture, & nous n'esperons point de les reuoir de

retour que la palme à la main : il ne leur manquera qu'un prix assez digne de tant d'actions heroïques ; mais la gloire d'avoir si bien reüssy, leur sera vne puissante satisfaction , qui sera comblée par les benedictions continuelles de tous les peuples, qui se réioüiront de tenir de cet Auguste Parlement toute leur felicité.

F I N.

